

OPĆINA LUKAVAC — OPĆINSKO VIJEĆE ▼
Vijećnici Općinskog vijeća Lukavac:

Adem Mahovkić, Hajrudin Hodžić, Jakub Mahovkić, Dragan Todorović, Hasan Ibrakić, Emir Imamović, Dajana Čolić, Alen Nuhić, Kenan Omerdić, Sulejman Brkić i Zikrija Nurković

Općinsko vijeće
Lukavac

h/r Mehmed SuIjić, predsjedavajući Općinskog vijeća

Almir Turkić i Almir Sakić — zamjenici predsjedavajućeg Općinskog vijeća Lukavac

Stručna služba Općinskog vijeća

,

Predmet: Zahtjev za zakazivanje vanredne sjednice Općinskog vijeća

Na osnovu člana 47. stay 2. i stay 4. Poslovnika o radu Općinskog vijeća Lukavac, („Službeni glasnik Općine Lukavac, broj: 5/06, 2/09 i 5/09), tražimo od predsjedavajućeg Općinskog vijeća Lukavac da sazove vanrednu sjednicu Općinskog vijeća i za istu predložimo sledeći dnevni red:

1)Razmatranje ekološke situacije na području općine Lukavac (Ekološki incident-zagadenje rijeke Spreče, zagadenje zraka, teže povrede zaposlenih u privrednom društvu GIKIL)

2) Razmatranje problematke vezane za imenovanje organa upravljanja i rukovođenja JZU „Dom zdravlja" Lukavac :

- upoznavanje sa aktom Federalne uprave za inspeksijske poslove Sarajevo, broj: UP1-08-37-4-05234/2018-0804-2-P od 17.07.2018.godine;

- razmatranje prijedloga i donošenje Odluke o poništavanju Odluke o razrješenju predsjednika i članova Upravnog odbora JZU „Dom zdravlja" Lukavac.

3)Razmatranje prijedloga i donošenje Odluke o izmjeni Odluke o uskladivanju statusa Javnog preduzeća za komunalne i zanatske usluge "RAD" Lukavac sa Zakonom a javnim preduzećima u Federaciji Bosni i Hercegovini i Zakonom o privrednim društvima.

Materijali sa 2. i 3. tačku predloženog dnevog reda su upućeni Općinskom vijeću Lukavac i Stručnoj službi Općinskog vijeća 26.07.2017.godine (povodom zahtjeva Općinskog načelnika za zakazivanje vanredne sjednice Općinskog vijeća), i obzirom da se radi o istim tačkama dnevnog reda i da nema potrebe izlagati se troškovima ponovnog štampanja materijala - saglasni smo da se isti razmatra kao naš prijedlog u sklopu navedenih tački dnevnog reda.

Ukoliko predsjedavajući i njegovi zamjenici u roku od 8 (osam) dana ne zakažu vanrednu sjednicu, 11 vijećnika Općinskog vijeća Lukavac, u skiadu sa članom 47. stay 4. Poslovnika o radu Općinskog vijeća Lukavac, ovlašćuju Kenana Omerdića da, uz pomoć Stručne Službe Općinskog vijeća, zakaže sjednicu sa predložnim dnevnim redom.

RAZLOZI ZA ZAKAZIVANJE SJEDNICE:

Razlog za zakazivanje vanredne sjednice su ekološki incidenti od strane operatera na području općine Lukavac, posebno GIKIL-a (Ekološki akcident - zagadenje rijeke Spreče, zagadenje zraka otrovnim gasovima, teže povrede zaposlenih...). Shodno nastaloj situaciji i zagadenjima kojima su izloženi građani općine Lukavac, neohodno je HITNO razmotriti situaciju i donijeti Zaključke o poduzimanju neophodnih mjera.

Razlog za zakazivanje vanredne sjednice je akt Federalne uprave za inspeksijske poslove Sarajevo, broj: UP1-08-37-4-05234/2018-0804-2-P od 17.07.2018.godine, koji na nedvosmislen način ukazuje na činjenice:

- da Odluka o razrješenju predsjednika i članova Upravnog odbora JZU „Dom zdravlja“ Lukavac, broj: 01-02-1-1405/17 od 10.07.2017. godine nije donesena na način kako je to propisano članom 64. Zakona o zdravstvenoj zaštiti kao i članom 37. Statuta JZU „Dom zdravlja“ Lukavac,
- da navedena javna ustanova nema upravni odbor,
- da imenovanje članova upravnog odbora ustanove nije provedeno na način da Općinsko vijeće na prijedlog načelnika imenuje upravni odbor,
- da je Odluka o imenovanju vršioca dužnosti navedene ustanove donesena bez prethodne saglasnosti načelnika Općine Lukavac a što je u suprotnosti sa Zakonom o zdravstvenoj zaštiti i Statutom Doma zdravlja Lukavac
- da je direktor Jaraković Mirsad dva puta imenovan za vršioca dužnosti a što je u suprotnosti sa članom 67. Zakona o zdravstvenoj zaštiti.

Razlog za zakazivanje vanredne sjednice je i razmatranje prijedloga i donošenje Odluke o izmjeni Odluke usklađivanju statusa Javnog preduzeća za komunalne i zanatske usluge "RAD" Lukavac sa Zakonom o javnim preduzećima u Federaciji Bosni i Hercegovini i Zakonom a privrednim društvima.

Navedenu Odluku je potrebno izmijeniti i uskladiti sa članom 1. Uredbe a izmjeni Uredbe o vršenju ovlašćenja organa Tuzlanskog kantona i općina na području Tuzlanskog kantona u privrednim društvima sa učešćem državnog kapitala u daijem tekstu: Uredba), kojim je izmijenjen član 8. stay 1. Uredbe i koji glasi:

„ nadležno ministarstvo, odnosno u općinama i gradu općinski načelnik, odnosno gradonačelnik, imenuju punomoćnika državnog kapitala za skupštinu privrednog društva sa državnim kapitalom“.

Uredba o izmjeni Uredbe o vršenju ovlašćenja organa Tuzlanskog kantona i općina na području Tuzlanskog kantona u privrednim društvima sa učešćem državnog kapitala, stupila je na snagu dana 05.06.2018.godine i objavljena u „Službenim novinama Tuzlanskog kantona, broj: 11/18“.

U prilogu dostavijamo listu 1/3 Općinskih vijećnika koji traže zakazivanje vanredne sjednice Općinskog vijeća.

Prilog:

- 1)Lista podnosioca zahtjeva

DOSTAVITI:

- 1.Općinsko vijeće
2. Stručna služba Općinskog vijeća
- 3.Evidencija
- 4.a/a

Lukavac:10.08.2018.godine

Podnosioci zahtjeva:

1. Mahovkić Adem Mahovkić Adem
2. Hodžić Hajrudin Hajrudin Hodžić
3. Mahovkić Jakub Jakub Mahovkić
4. Todorović Dragan Dragan Todorović
5. Ibrakić Hasan _____
6. Imamović Emir _____
7. Čolić Dajana _____
8. Nuhić Alen Alen Nuhić
9. Memić Jasminka _____
10. Krnjić Amela _____
11. Murselović Pagan _____
12. Omerdić Kenan Kenan Omerdić
13. Brkić Sulejman Sulejman Brkić
14. Sakić Almir _____
15. Sakić Mihađ _____
16. Magid Zijad _____
17. Nurković Zikrija _____

Lukavac, 27.07.2018. godine

PRIJEDLOG

Odluke o poništenju Odluke o razrješenju predsjednika i članova Upravnog odbora
JZU Dom zdravlja Lukavac

Predlagač: Općinski načelnik

Obradivač: Stručna služba Općinskog načelnika

Razmatra: Općinsko vijeće





Broj:

Datum: 26.07.2018.god.

~ skladu sa člana 32. Statuta Općine Lukavac — Prečišćeni tekst („Službeni glasnik Općine ukavać", broj: 5/08 i 1/14) i člana 89. Poslovnika o radu Općinskog vijeća Lukavac (Službeni lasnik Općine Lukavać", broj: 5/06, 2/09 i 5/09), na prijedlog Općinskog načelnika — Općinsko ijeće na _____ redovnoj sjednici održanoj dana _____, d o n o s i:

ODLUKU

o poništenju Odluke o razrješenju predsjednika i članova Upravnog odbora JZU „Dom zdravlja" Lukavac

Poništava se Odluka o razrješenju predsjednika i članova Upravnog odbora JZU „Dom zdravlja" Lukavac, broj: 01-02-1-1405/17 od 10.07.2017.godine (u daljem tekstu: Odluka), kojom su razriješeni dužnosti predsjednik i članovi Upravnog odbora JZU „Dom zdravlja" Lukavac, u sastavu: Adnan dr. Aljukić - predsjednik, Vildana dr. Kovačević - član i dr.sci. Sanida Bektić - član.

II

Nakon stupanja na snagu ove Odluke Upravni odbor JZU „Dom zdravlja" Lukavac, imenovan Rješenjem Općinskog vijeća, broj: 01-05-619/17 od 28.04.2017.godine, u sastavu: Adnan dr. Aljukić - predsjednik, Vildana dr. Kovačević - član i dr.sci. Sanida Bektić nastavljaju da obavljaju dužnosti predsjednika i članova Upravnog odbora JZU „Dom zdravlja" Lukavac.

III

Ova Odluka stupa na snagu danom objave u Službenom glasniku Općine Lukavac.

PREDSJEDAVALJUĆI OPĆINSKOG VIJEĆA
Mehmed Suljić, dipl.ing maš.



OBRAZLOŽENJE

Svojim aktom broj: UP1-08-37-4-05234/2018-0804-2-P od 17.06.2018.godine, Federalni zdravstveni inspektor ukazao je na nepravilnosti koje se odnose na donošenje odluke o razrješenju predsjednika i članova Upravnog odbora JZU Dom zdravlja Lukavac, broj: 01-02-1405/17 od 10.07.2017.godine, odnosno svojim nalazom ukazao je na činjenicu da navedena Odluka nije donesena u skladu sa članom 64. Zakona o zdravstvenoj zaštiti, kao i članom 37. Statuta zdravstvene ustanove Doma zdravlja Lukavac.

Nalazom Federalnog zdravstvenog inspektora ukazano je i na sledeće:

- da je mandat privremenog Upravnog odbora JZU Dom zdravlja Lukavac u sastavu: Mirza Kurtić, Amra Burgić i Merlina Imamović a koji su imenovani Rješenjem Općinskog vijeća broj: 01-05-14/18 od 03.01.2018.godine istekao u maju 2018. godine, da JU Dom zdravlja Lukavac trenutno nema Upravni odbor, i da se prilikom imenovanja predsjednika i članova Upravnog odbora navedene Jayne ustanove nije ispoštovala odredba člana 64. Zakona o zdravstvenoj zaštiti, kojom je propisano da članove Upravnog odbora imenuje i razrješava Općinsko vijeće na prijedlog Općinskog načelnika;
- da je Odluka o imenovanju vršioca dužnosti JZU Dom zdravlja Lukavac, broj: 01-640/18 od 09.02.2018. godine donesena bez prethodne saglasnosti načelnika Općine Lukavac a što je u suprotnosti sa Zakonom o zdravstvenoj zaštiti i Statutom JZU Dom zdravlja Lukavac;
- da je prim.dr. Mirsad Jaraković imenovan dva puta Odlukom Upravnog odbora JZU Dom zdravlja Lukavac, za vršioca dužnosti direktora JZU Dom zdravlja Lukavac na šest mjeseci, što je u suprotnosti sa članom 67. Zakona o zdravstvenoj zaštiti.

Općinski načelnik Lukavac je više puta ukazivao na nepravilnosti u imenovanju i razrješavanju predsjednika i članova Upravnog odbora navedene ustanove, ukazujući na činjenicu da su mu kao Općinskom načelniku „oduzeta“ ovlaštenja propisana Zakonom o zdravstvenoj zaštiti. Međutim pojedini članovi Općinskog vijeća kao i rukovodstvo JZU Dom zdravlja Lukavac, na navedene nepravilnosti nikada nisu reagovali, nego su imenovanja članova upravnog odbora JZU Dom zdravlja Lukavac i direktora navedene ustanove provodili na način da nisu ispoštovali zakonom propisanu proceduru, a što je u konačnici potvrdio i Federalni zdravstveni inspektor.

Takode svojim aktom, broj: 02-02-6-187/18 od 30.05.2018. godine, Ministarstvo zdravstva Tuzlanskog kantona (u daljem tekstu :Ministarstvo) je izvijestilo Općinskog načelnika da je Ministarstvo objavilo Javni oglas za izbor kandidata za jednog člana Upravnog odbora JZU Dom zdravlja Lukavac — predstavnik Ministarstva, da je u skladu sa prijedlogom Ministarstva broj: 13/1-37-30491/16 od 23.02.2017. godine, predložena dr.sc. Sanida Bektić i da je potrebno postupiti u skladu sa navedenim prijedlogom Ministarstva.

Zbog svega navedenog, potrebno je donijeti o Odluku poništenju Odluke o razrješenju predsjednika i članova Upravnog odbora JZU „Dom zdravlja“ Lukavac, kako bi legalno i zakonito izabrani članovi Upravnog odbora JZU Dom zdravlja Lukavac nastavili sa radom i izvršavali svoje obaveze.

po Ovlaštenju Općinskog načelnika
broj: 02-05-1406/18 od 22.05.2018.godine
Ermina Numanović, dipl. p. vnik

~ 0/6
4
15
aa
a,, a



Federalni zdravstveni inspektorat
Broj: UPI -08.37-4-0523442018-0804-2-P
Datum, 17. jul. 2018. podn

KANTONALNA UPRAVA ZA
INSPEKCIJSKE POSLOVE TK,
TUZLA
ULRUDARSKA 72
75000 TUZLA
Nip Direktora

PREDMET: Odgovor na predstavku — veza vaš broj:17/4- -37-003580/18 ad 25.6.2018 .

Poštovani,

U vezi Vaše predstavke Federalnoj upravi za inspeksijske poslove Sarajevo, koja se odnosi na nepoštivanje zakonskih propisa u postupku izbora članova Upravnog odbora i direktora u JZU Dom zdravlja Lukavac, federalni zdravstveni inspektor izvršio je neposredar inspeksijski nadzor u prostorijama JZU DZ Lukavac, i izvršio uvid u sljedeće predočene akte:

1, Predočeno je Rješenje o imenovanju članova Upravnog odbora JZU Dom zdravlja Lukavac broj:01-05-619117 od 28.04.2017.godine na sjednici od 26.04.2017.godine kada se imenuju članovi Upravnog odbora i to:

Adnan dr Aljukić iz reda osnivača
Vildana dr Kovačević iz reda stručnih radnika Javne Ustanove i
dr Sanida Bektić iz reda Ministarstva zdravstva TK.

2. Predočena Odluka o razrješenju predsjednika i članova UO JZU DZ Lukavac broj:01-02-1-1405/17 ad 10.07.2017.godine . Ovom Odlukom razrješavaju se gore imenovani članovi UO. Predočen i Zaključak Općinskog vijeća Lukavac broj :01-02-1595-1/17 od 27.07.2017.godine kojim se potvrđuje gore navedena Odluka.

3. Predočena Odluka o privremenom imenovanju UO JZU DZ Lukavac broj:01-02-1-1404/17 od 10.07.2017.godine. U tački I Odluke privremeno se imenuju Osmić Jasenko , predsjednik iz reda osnivača, Dautović Aziz, član iz reda uposlenih , Hasanhodžić Suad, član iz reda Ministarstva. Predočen i Zaključak kojim se potvrđuje navedeno Rješenje a privremenom imenovanju članova UO JZU DZ Lukavac. Predočen i Zaključak Općinskog vijeća Lukavac kojim se potvrđuje privremeni UO JZU DZ Lukavac, broj:01-02-1595-2/17 ad 27.07.2017.godine.

4. Predočeno Rješenje o privremenom imenovanju UO JZU DZ Lukavac broj:01-05-14/18 od 17.07.2018.godine izdato od Općinskog vijeća Lukavac. U tački I privremeno se imenuje Kurtić kao predsjednik, Amra Burgić i Medina Irnamović. U tački H ovog rješenja imenuju se na period ad najviše tri mjeseca.

5. Dana 27.06.2018.godine v.d. direktor JZU DZ Lukavac dostavio akt broj:02-2553/18 Općinskom vijeću Lukavac i Općinskom načelniku Lukavac u kojemu navodi da zbog važnosti uloge i funkcije JZU DZ Lukavac i zbog važnosti da Dom zdravlja radi u punom kapacitetu poštujući zakone i propise, jer se samo tako može pružiti puna pomoć svojim pacijentima, to obavještava da JZU DZ Lukavac trenutno nema Upravni odbor. Između ostalog se navodi da JZU DZ Lukavac zbog nepostojanja UO može trpjeti posljedice koje se mogu odraziti i na korisnike usluge, to da se bez Odluke UO ne može isplatiti ni plata radnicima Doma zdravlja Lukavac za juni mjesec 2018.godine

6. Općinski načelnik Edin Delić upućuje dopis Domu zdravlja Lukavac sa vezom akta broj:02-2553/18 te između ostalog navodi da je dana 26.04.2018.godine Općinsko vijeće Lukavac je na redovnoj šestoj sjednici imenovalo UO JZU DZ Lukavac na prijedlog načelnika Općine Lukavac i to je do danas jedini legitimni i legalno imenovani UO, a koje je imenovao na zakonit način direktara Ustanove Dajanu Čolić. Takođe se navodi da se iz akta Doma zdravlja Lukavac ne vidi do je neko od legalnih predstavnika organa upravljanja uputio navedeni akt. (broj:02-02-6-224/18 od 29.06.2018.godine).

7. Dana 02.07.2018.godine pod protokolom broj:02-2619/18 JZU DZ Lukavac dostavlja urgenciju Općinskom načelniku Lukavac, gdje se između ostalog navodi da osnivač može razriješiti predsjednika i članove UO i prije vremena na koji su imenovani, u slučajevima predviđenim zakonom i Statutom Ustanove.

8. Dana 03.07.2018.godine Stručna služba Općinskog vijeća Lukavac dostavlja Obavijest broj:01-02-4-113/18 kojom obavještavaju da je navedena Služba upoznala predsjedavajućeg Općinskog vijeća Lukavac, Kolegij OV 1 Općinskog načelnika o izradi Odluke o imenovanju privremenoa UO JZU DZ Lukavac.

9. Općinski načelnik dostavlja Obavijest broj:02-49-1880118 od 03.07.2018.godine, gdje se između ostalog navodi sljedeće: na sjednici CV ad 04.06. i 07.07.2017.godine OV Lukavac je donijelo Odluku o razrješenju zakonito izabranih članova UO JZU DZ Lukavac i bez-pravnog osnova donijelo Odluku a privremenom imenovanju članova UO ad 10.07.2017.godine. Navodi se da su članovi izabranog privremenog UO smijenili zakonito izabranog v.d. direktora JZU DZ Lukavac i imenovali drugog v.d. direktora. Takođe se navodi da je nakon isteka mandata privremenog UO Općinsko vijeće je na sjednici održanoj dana 28.12.2017.godine Rješenjem broj:01-05-14/18 od 03.01.2018.godine ponovo imenovalo privremeni UO čije je mandat istekao u mjesecu maju tekuće godine. Prijedlog za imenovanje dato od Komisije za izbor, imenovanja i administrativna pitanja.

10 Predočena Odluka o preuzimanju prava i obaveza Osnivača i usklađivanje organizacije i poslovanja JZU Dom zdravlja Lukavac, broj:01-02-11104/12 od 29.06.2012.godine. U članu se navodi da je Općina Lukavac osnivač JZU Doma zdravlja Lukavac.

11 Predočen Statut JZU Dom zdravlja Lukavac broj:01-1805112 ad 21.08.2012.godine. U članu 31 Statuta u tački 3. navodi se da općinski načelnik daje prethodnu saglasnost za izbor imenovanje direktora Doma zdravlja Lukavac. U članu 37 tačka 6. Statuta navodi se sljedeće: "Način izbora i opoziva predsjednika i članova UO Doma zdravlja vrši se u skladu sa Kriterijima za imenovanje UO Doma zdravlja koje utvrđuje Općinsko vijeće, a na prijedlog Općinskog načelnika".

Slijedom navedenog inspektor konstatuje:

1. Odluka o razrješenju predsjednika i članova UO JZU DZ Lukavac broj:01-02-1-1405/17 od 10.07.2017.godine donesena od Opštinskog Vijeća Lukavac nije donesena u skladu sa članom 64. Zakona o zdravstvenoj zaštiti, kao i sa članom 37. Statuta zdravstvene ustanove Doma zdravlja Lukavac.
2. Mandat privremenog UO JZU DZ Lukavac u sastavu Mirza Kurtić, Amra Burgić i Medina IrFkamović, a koji su imenovani Rješenjem Općinskog vijeća broj:01-05-14/18 od 03.01.2018.godine istekao u maju mjesecu 2018.godine. U momentu nadzora inspektor konstatuje da JZU Dom zdravlja Lukavac nema Upravnog odbora. Takođe se konstatuje da se stixino članu 64 Zakona o zdravstvenoj zaštiti (Urgl.novine FBiH", broj 46/10) imenovanje predsjednika i članove UO zdravstvene Ustanove čije je osnivač Općina imenuje i razrješava Općtinsko vijeće na prijedlog općinskog načelnika, što se u konkretnom slučaju nije izpoštovalo.
- 3- da je Odluka o imenovanju vršioca dužnosti direktora JZU Dom zdravlja Lukavac broj:01-640/18 ad 09.02.2018.godine donesena ad strane UO Doma zdravlja Lukavac, bez prethadne saglasnosti načelnika Općine Lukavac , a što je u suprotnosti sa Zakonom o vstvoaj zaštiti i Statutom Doma zdravlja Lukavac.
- 4 Prim.dr. Jaraković Mirsad imenovan je dva puta Odlukom Upravnog odbora JZU Dom zdravlja Lukavac za vršioca dužnosti diirektora JZU Dom zdravlja Lukavac, na šest mjeseci ...to Le tiša činom 67. Zakona o zdravstvenoj zaštiti (n Službene novine Federacije BiH" broj 46/10).

S poštovanjem

Ostavljeno:

- 6) (Naslovu
- 1 x Evidencija
- 1 x Arhiva



Federalni zdravstveni
inspektor

Prim.dr.:spec. **Adi Gujić**

284

SAPSNA I HERCEGOVINA

FEDERACIJA BOSNE I HERCEGOVINE

(J

TUZLANSKI KANTON

MINISTARSTVO ZDRAVSTVA



BOSNIA AND HERZEGOVINA

FEDERATION OF BOSNIA AND HERZEGOVINA

TUZLA CANTON

MINISTRY OF HEALTH



Broj: 13/1-37-17524/18

Tuzla, 03.07.2018 . godine

OPĆINA LUKAVAC

n/r Općinski načelnik

PREDMET: Informacija, dostavlja se.

Veza: Vag akt broj: 02-02-6-187/18 od 30.05.2018. godine

Poštovani.

U skladu sa Zakonom o ministarskim, vladinim i drugim imenovanjima Federacije Bosne i Hercegovine («Službene novine Federacije Bosne i Hercegovine», broj: 12/03, 34/03, 65/13) i Odlukom o utvrđivanja uslova i kriterija za imenovanje na pozicije u regulirane organe Općinskog vijeća Lukavac broj 01-02-2500/04 od 26.07.2004. godine i urgencije za postupanje po Zaključku Općinskog vijeća Lukavac broj 01-02-11-201-1/16 od 14.12.2016.godine u kojem se navodi da nadležni organi u što kraćem roku pokrenu i provedu proceduru za imenovanje članova upravnog odbora ustanove svako iz svoje nadležnosti, Ministarstvo zdravstva je objavilo Javni oglas za izbor kandidata za jednog člana upravnog odbora JZU Dom zdravlja Lukavac - predstavnik Ministarstva zdravstva Tuzlanskog kantona.

Javni oglas objavljen je u dnevnom listu «Oslobođenje» 23.12.2016. godine i «Službenim novinama Federacije BiH», broj: 101/16 od 23.12.2016 godine.

Komisija imenovana Rješenjem Ministra zdravstva je nakon provedenog postupka, a na osnovu člana 12. stav 1. Zakona o ministarskim, vladinim i drugim imenovanjima Federacije BiH, predložila Ministru zdravstva rang-listu sa kandidatima.

Imajući u vidu činjenicu da je kandidat Sanida Bektić prva na rang listi, na osnovu dostavljene rang-liste, a u skladu sa članom 64. Zakona o zdravstvenoj zaštiti, koji propisuje da upravni odbor zdravstvene ustanove u vlasništvu općine čini i jedan član ispred kantonalnog ministarstva zdravstva, potrebno je postupiti u skladu sa navedenim prijedlogom broj: 13/1-37-30491-4/16 od 23.02.2017. godine. Ministarstvo ostaje kod navedenog Prijedloga, obzirom da je u potpunosti ispoštovana redovna zakonska procedura predlaganja kandidata, te se nadamo da će i ostali organi vlasti postupiti u skladu sa zakonskim propisima.

Dostaviti:

naslovu

Ix a/a



MINISTAR

dr.med., ~~Šef~~ **in-Hadžiefendić**

Ulica Rudarska 72.; 75000 Tuzla

tel. 035/369-419, fax: 369-420

www.vladatk.kim.ba



Broj: 02-23-4-1778/18.
Lukavac, 21.06.2018. godine

PRIJEDLOG

ODLUKA
0 IZMIJENI ODLUKE 0 USKLAĐIVANJU STATUSA JAVNOG PREDUZEĆA ZA KOMUNALNE I
ZANATSKE USLUGE „RAD“ LUKAVAC SA ODREDBAMA ZAKONA 0 JAVNIM PREDUZEĆIMA
FEDERACIJE BOSNE I HERCEGOVINE I ZAKONA 0 PRIVREDNIM DRUŠTVIMA

PREDLAGAČ: Općinski načelnik

OBRAĐIVAČ: Služba za stambeno-komunalne poslove, boračko-invalidsku zaštitu i raseljena lica

RAZMATRA: Općinsko vijeće Lukavac

Na osnovu člana 2., člana 3. i člana 51. Zakona o javnim preduzećima u Federaciji Bosni i Hercegovini („Službene novine Federacije Bosne i Hercegovine”, broj 8/05, 81/08, 22/09 i 109/12), člana 304., člana 306. i člana 372. Zakona o privrednim društvima („Službene novine Federacije Bosne i Hercegovine”, broj 81/15.), člana 8. Uredbe o vršenju ovlaštenja organa Tuzlanskog kantona i opština na području Tuzlanskog kantona u privrednim društvima sa učešćem državnog kapitala ("Službene novine Tuzlanskog kantona", broj: 11/05 i 11/18) i člana 32. stav (1) tačka 15. Statuta Općine Lukavac („Službeni glasnik općine Lukavac", broj 5/08. i 1/14.), Općinsko vijeće općine Lukavac na .redovnoj sjednici održanoj dana - - - - - 2018. godine, donosi:

ODLUKU

o izmjeni Odluke o usklađivanju statusa Javnog preduzeća za komunalne i zanatske usluge "RAD" Lukavac sa odredbama Zakona o javnim preduzećima u Federaciji Bosni i Hercegovini i Zakona o privrednim društvima

Član 1.

U Odluci o usklađivanju statusa Javnog preduzeća za komunalne i zanatske usluge „RAD" Lukavac sa odredbama Zakona o javnim preduzećima u Federaciji Bosne i Hercegovine i Zakona o privrednim društvima („Službeni glasnik općine Lukavac", broj 6/18.) (u daljem tekstu: Odluka), mijenja se član 16. i glasi:

„Pravo učešća u radu i odlučivanju Skupštine Društva - ostvaruje se putem punomoćnika koje opunomoćuje Općinski načelnik.

Za punomoćnika u skupštini Društva ne može biti opunomoćen:

1. direktor i član uprave privrednog društva u kojem općina vrši ovlaštenje,
2. Općinski načelnik i članovi Općinskog vijeća,
3. nosilac pravosudne funkcije ili druge funkcije čije je vršenje po zakonu nespojivo sa učešćem u radu Društva i
4. lice koje ima sukob interesa u ličnim ili profesionalnim odnosima utvrđenim Zakonom o sukobu interesa u institucijama vlasti Bosne i Hercegovine i Zakonom o javnim preduzećima u Federaciji Bosne i Hercegovine.

Skupština Društva podnosi Općinskom vijeću Izvještaj o radu i poslovanju Društva najmanje jednom godišnje".

Član 2.

U Odluci mijenja se član 17. i glasi:

„Nadzorni odbor čine tri člana.

Nadzorni odbor imenuje i razrješava Skupština Društva na osnovu javnog oglasa, u skladu sa zakonom, s tim da Skupština Društva može imenovati privremeni Nadzorni odbor, najduže na tri mjeseca.

Član 3.

Ova Odluka stupa na snagu danom objavljivanja u „Službenom glasniku općine Lukavac".

PREDSJEDAVAJUĆI
OPĆINSKOG VIJEĆA LUKAVAC
Mehmed Suljić, dipl.ing.mašinstva

OBRAZLOŽENJE

PRAVNI OSNOV

Pravni osnov za donošenje Odluke o izmjeni Odluke o uskladivanju statusa javnog preduzeća za komunalne i zanatske usluge „Rad“ Lukavac sa odredbama Zakona o javnim preduzećima i Zakona o privrednim društvima sadržan je u članu 2. i 3. Zakona o javnim preduzećima u Federaciji Bosni i Hercegovini („Službene novine FBiH“, broj 8/05., 81/08., 22/09. i 109/12.), članu 306. i 372. Zakona o privrednim društvima („Službene novine FBiH“, broj 81/15.), članu 8. Uredbe o vršenju ovlaštenja organa Tuzlanskog kantona i opština na području Tuzlanskog kantona u privrednim društvima sa učešćem državnog kapitala („Službene novine Tuzlanskog kantona“, broj: 11/05 i 11/18) i članu 32. stav (1) tačka 15. Statuta Općine Lukavac („Službeni glasnik općine Lukavac“, broj 5/08. i 1/14.).

Članom 2. stav (2) Zakona o javnim preduzećima u Federaciji Bosne i Hercegovine (u daijem tekstu: Zakon) propisano je da djelatnosti od javnog društvenog interesa utvrđuju općina, kanton i Federacija Bosne i Hercegovine, svako u okviru svojih nadležnosti.

Članom 3. Zakona propisano je da se Javna preduzeća mogu organizirati u obliku dioničkog društva ili društva sa ograničenom odgovornošću.

Članom 372. Zakona o privrednim društvima propisano je da su sva privredna društva uključujući i ona sa učešćem državnog kapitala u vlasničkoj strukturi dužna su oblik, firmu, osnovni kapital i statut društva uskladiti sa navedenim zakonom.

Članom 8. Uredbe o vršenju ovlaštenja organa Tuzlanskog kantona i opština na području Tuzlanskog kantona u privrednim društvima sa učešćem državnog kapitala („Službene novine Tuzlanskog kantona“, broj: 11/05 i 11/18), propisano je da nadležno ministarstvo, odnosno u općinama i gradu općinski načelnik, odnosno gradonačelnik, imenuju punomoćnika državnog kapitala za skupštinu privrednog društva sa državnim kapitalom.

Članom 32. Statuta općine Lukavac, između ostalog je propisano da Općinsko vijeće u okviru svoje nadležnosti osniva preduzeća za obavljanje poslova od interesa za općinu. Obzirom da Općinsko vijeće nema status pravnog lica, osnivač je Općina Lukavac, a Općinsko vijeće, kao predstavničko tijelo, je nadležno da donosi odluke o osnivanju uskladivanju Javnog preduzeća sa važećim zakonskim propisima, koje u konačnici provodi i izvršava ovlašteno tijelo ili organ.

RAZLOZI ZA DONOŠENJE

Općinsko vijeće Lukavac je na 18. redovnoj sjednici održanoj 10.04.2018. godine uz amandmansko djelovanje, od kojih predlagač većinu nije prihvatio, donijelo Odluku o uskladivanju statusa javnog preduzeća za komunalne i zanatske usluge „Rad“ Lukavac sa odredbama Zakona o javnim preduzećima Federacije Bosne i Hercegovine i Zakona o privrednim društvima.

Postupajući u okvirima svoje nadležnosti, a u predviđenom roku, Općinski načelnik je Općinskom vijeću Lukavac uputio Zahtjev za preispitivanje navedene Odluke iz razloga što njene pojedine odredbe nisu u skladu sa Uredbom o vršenju ovlaštenja organa Tuzlanskog kantona i općina na području Tuzlanskog kantona u privrednim društvima sa učešćem državnog kapitala („Službene novine TK“, broj 11/05).

Općinsko vijeće Lukavac je na 19. redovnoj sjednici održanoj 08.05.2018. godine razmatralo navedeni zahtjev i pri tome je potvrdilo donesenu Odluku u istovjetnom tekstu, tako da je ista objavljena u "Službenom glasniku općine Lukavac", broj 6/18.

Vlada Tuzlanskog kantona je na 16. redovnoj sjednici održanoj 05.06.2018. godine donijela Uredbu o izmjeni Uredbe o vršenju ovlaštenja organa Tuzlanskog kantona i općina na području Tuzlanskog kantona u privrednim društvima sa učešćem državnog kapitala, broj: 02/1-14-15882-1/18. od 05.06.2018. godine, koja je stupila na snagu danom donošenja, a objavljena je u "Službenim novinama Tuzlanskog kantona", broj 11/18. Navedenom Uredbom izmijenjen je član 8. stav (1) i isti glasi:

"Nadležno ministarstvo, odnosno u općinama i gradu općinski načelnik, odnosno, gradonačelnik, imenuje punomoćnika državnog kapitala za skupštinu privrednog društva sa državnim kapitalom."

Stupanjem na snagu ove Uredbe, utvrđena je potreba da se Odluka o uskladivanju statusa javnog preduzeća za komunalne i zanatske usluge „Rad“ Lukavac sa odredbama Zakona o javnim preduzećima i Zakona o privrednim društvima u svojim pojedinim članovima uskladi sa istom.

Izmjene se odnose na članove 16. i 17. Odluke o uskladivanju statusa javnog preduzeća za komunalne i zanatske usluge „Rad“ Lukavac sa odredbama Zakona o javnim preduzećima i Zakona o privrednim društvima ("Službeni glasnik Općine Lukavac", broj: 6/18), kako slijedi:

Član 16.

„Ovlaštenja Skupštine Društva, u ime osnivača, vrši Općinsko vijeće putem punomoćnika državnog kapitala (u daljem tekstu: Skupština društva).

Skupština Društva se sastoji od predsjednika i dva člana koji se imenuju istovremeno na period od četiri godine, sa mogućnošću ponovnog imenovanja.

Propisanu proceduru po javnom oglasu za imenovanje Skupštine Društva provodi Komisija za izbor, imenovanja i administrativna pitanja kao radno tijelo vijeća nadležno za imenovanja iz nadležnosti Općinskog vijeća.

Za predsjednika i člana Skupštine Društva može biti imenovano lice koje ispunjava opće uvjete propisane Zakonom i posebne uvjete:

- VII stepen stručne spreme (VSS);
- najmanje pet godina radnog staža u struci.

Odluku o konačnom imenovanju predsjednika i članova Skupštine (punomoćnici državnog kapitala) donosi Općinsko vijeće Lukavac, u ime osnivača, a na prijedlog Komisije za izbor, imenovanja i administrativna pitanja."

Predloženi tekst izmjene ovog člana glasi:

Član 16. mijenja se i glasi:

„Pravo učešća u radu i odlučivanju Skupštine Društva - ostvaruje se putem punomoćnika koje opunomoćuje Općinski načelnik.

Za punomoćnika u skupštini Društva ne može biti opunomoćen:

1. direktor i član uprave privrednog društva u kojem općina vrši ovlaštenje,
2. Općinski načelnik i članovi Općinskog vijeća,
3. nosilac pravosudne funkcije ili druge funkcije čije je vršenje po zakonu nespojivo sa učešćem u radu Društva i

4. lice koje ima sukob interesa u ličnim ili profesionalnim odnosima utvrđenim Zakonom o sukobu interesa u institucijama vlasti Bosne i Hercegovine i Zakonom o javnim preduzećima u Federaciji Bosne i Hercegovine.

Skupština Društva podnosi Općinskom vijeću Izvještaj o radu i poslovanju Društva najmanje jednom godišnje".

Član 17.

„Nadzorni odbor ima pet (5) članova , tri iz reda Osnivača i dva člana iz reda radnika preduzeća.

Postupak za izbor i imenovanje predsjednika i članova Nadzornog odbora u Društvu vrši se na osnovu prethodno provedenog postupka predviđenog Zakonom o ministarskim, vladinim i drugim imenovanjima Federaciji Bosne i Hercegovine i Zakonom o sukobu interesa u organima vlasti FBiH."

Član 17. mijenja se glasi:

„Nadzorni odbor dine tri člana.

Nadzorni odbor imenuje i razrješava Skupština Društva na osnovu javnog oglasa, u skladu sa zakonom, s tim da Skupština Društva može imenovati privremeni Nadzorni odbor, najduže na tri mjeseca."


Postupajući u skladu sa članom 8. stav (1) Uredbe o izmjeni Uredbe o vršenju ovlaštenja organa Tuzlanskog kantona i općina na području Tuzlanskog kantona u privrednim društvima sa učešćem državnog kapitala, broj: 02/1-14-15882-1/18. od 05.06.2018. godine, sačinjena je Odluka o izmjeni Odluke o uskladivanju statusa javnog preduzeća za komunalne i zanatske usluge „Rad" Lukavac sa odredbama Zakona o javnim preduzećima Federacije Bosne i Hercegovine i Zakona o privrednim društvima i ista se u formi prijedloga upućuje Općinskom vijeću Lukavac na razmatranje i usvajanje.



 OPĆINA ~ AČELNIK

~
Dr. SČi. 8r; iin Delić

OZ.Z.

 NP /
~ ~ ~ QD(, ff ~ hSV ~ !